

EM 300.241
127
部 3



嘉靖欽州志

欽州志卷之五



知州林希元輯



學校

欽州

儒學舊在城南門外今山川壇其故址宋治平元年移

建城東門外崇寧三年建三舍以其狹隘徙於

州南淳熙四年知州安陽岳霖拓而重建宋儒

張南軒先生記安陽岳侯霖為欽州之明年政通人和乃經理其州之學悉其

故之卑陋廟廡整齊次第一新特來謁記久之未暇也又明年其學之教授周去非秩滿道挂

欽州志卷五

復以侯意來請且曰欽之為邦僻在海隅地近夷而俗尚利縫掖之士蓋鮮有焉惟侯不敢以其陋而加忽也故新其學以勸之且求一言以示後庶幾或有興起也栳於是而嘆曰夫所為建學者欲其士之衆多也今夫通都大邑操觚習辭發策決科肩摩袂屬必於是而後謂之多士乎哉殆未然也夫寡國鮮士亦何足病十室之邑必有忠信之質焉其成就與否則係乎學與不學而已學者所以成材而善俗也今欽州雖僻其士雖鮮然其間亦豈無忠信之質乎無以揭之曷其昭之無以道之曷其通之為之嚴學宮於此詳其訓迪以明夫人倫之教聖賢之言行薰濡之漸由耳目以入其心志其質之美者能不有以感發乎有以感發則將去利就義以求夫為學之功而又以訓其子弟率其朋友則多士之方豈不庶幾矣乎異時人材成就風俗淳美其必由今日之舉有以紹熙五年知州發之請刻記於學以垂于後來

黃旦改建於州署之東南即今學地許國公府

教授顏棫記欽江清源黃侯報政之明年諭棫

地為山水之窮弗樂也則徙于郡之東城外逾

二十年而堂廡卑陋氣象荒穢距州治及學官

解遠凡守貳朔望謁莫士之朝夕趨于學咸懈

焉一日郡博士陳君家率諸生來言相郡之南

有戎官舊廡在旁可闢地數畝盍撤新之庶幾

學之密邇干郡而士子肄業之便也余聞而趨

之蓋欣然改作也惟郡窘於財懼不足以集事

得乎轉運方公松卿為助鹽值九萬緡餘擗節

歲入以足其費乃以紹熙四年五月始即工十

一月立大成殿雲章閣五年正月奉安先聖

先師于新殿二月上丁暨郡僚佐釋菜以告厥

成堂殿中峙門闕外闢闌以峻堞翼以脩廡演

迤觀深規模宏壯師徒觀者起敬學之前環水

以象泮宮而常日敷教將與學徒周旋乎其間

亟觀于學而不敢懈焉齋有四而以文行忠信

名之射有圃糧有廩書有庫齋堂庖厨罔不備

具而郡博士居其左南望大海以長城為護北

負州治得山川之勝欽之士悅焉余不敢以遠

且陋鄙夷是邦懼久遂湮願求文以志歲月且

俾繼守是邦者有考焉棫為欽江去王畿萬里

地接交趾占者聲教所不暨之地及今建學造

士不減中州是侯所以布德宣意培植士類願

不為不用其極矣雖然學非若有司此可以具

文也明人倫申孝弟講習乎聖賢正心誠意之

旨歸以馴至乎位天地育萬物之極致此學之

大原也南軒張公昔嘗記斯學矣今其說可復

也人有良心觸之斯動地遠民淳固易以訓由

是侯之建學以惠多士而復古聖賢所以訓學

者以淑多士舍是而汲汲焉竊科第以謀利祿

則有辜於侯之所以望此邦者矣侯本以謀利祿

諸生繇第進士守三州皆以最聞而所至首崇

學校以厲風俗不以事夥財置廢亦必有見於

此矣異時欽江之士漸漬興起而孝弟陸淵有學必當有如是之可書者夫教道不明吏之過也吏勤于教而士不勉焉以應士之咎也欽之士其勉之哉械不敏以是為吏是邦者勸而亦以勸居是邦元至正中燬于寇之多士云

大明洪武七年重建宣德三年守備都指揮程瑒重

建翰林院編脩彭琉記 皇帝嗣大歷服之四

藩臬大臣遣幣聘琉典文衡時欽州儒學正鄉友陳莊亦與事貢院既撤棘首語予曰莊自宣德丁未冬至欽即見于先聖先師廟觀其棟宇皆朽壞弗支俯仰歎息心甚歎焉退而以與訓導呂璿以事告于郡守張公信郡倅廖公瑛且曰今禮殿傾頽若是予等欲撤而新之未能願相與持疏詣鎮禦欽州廣東都帥程公求為之倡可乎二公曰然遂以事白帥帥慨然曰孔子

欽州志卷五

三

萬世帝王師凡有血氣者莫不宗之雖其靈在天安可無廟貌以居其神乎於是傾囊賜金無絲髮吝惜之態及州大夫之正佐部屬之官僚亦罔不隨捐已貲購材命匠而鼎建茲事至於小大之費供槁之資莊則率師生輩悉罄俸廩以贍不給興工之日匠氏雲屯斧斤雷動經始於戊申十月朔啓成於己酉二月望經營謀度咸合規矩隘者廓之卑者崇之像設有嚴毋曩有耀門廓殿廡煥然一新較於昔則倍加焉茲既完美久矣第無鉅筆為之記乞先生一言以彰厥美於無窮予辭弗置竊惟堯舜古聖人也孔子亦聖人也堯舜之治被於天下故惟天子得以享之孔子之教垂於萬世而郡邑得以循之其祭用王者事巍然南嚮以門入為配以天子而次皆北面跪祭如親弟子者所謂生民以來未有盛於孔子其賢於堯舜遠矣此其驗歟矧今聖朝碩文崇道屢勅天下有司凡遇學校損壞即為脩葺毋致廢弛 恩至渥也柰

欽邑僻在遐荒古號天涯生民寡鮮習俗未甚
不變匪都帥以累世勲舊之臣練達老成之才
來鎮茲土人孰能以作與學校為念其難矣乎
自時厥後欽之士子尤當講學以明體明體以
適用俾他日彬彬輩出撥科膺貢以躋膺仕者
咸知有所自矣吁苟有都帥之好施而無州大
夫之用心賢師範之興念又何由克底于成哉
是可歌也詩曰維茲廟學都帥所作卑下以崇
是存備哉範模克盡終始琢辭貞石未贊斯美
正統七年彭琉提督廣東學校復脩天順中復
燬于寇成化五年僉事林錦讓分司為明倫堂
堂之左貨民居為文廟郡人嘉興同知楊冠造
銅祭器三百九十事以供祭祀巡按廣東御史

姚綬記 三代設學所以崇重仁義維繫人心也
間於遐邇不妨於兵農故民皆知尊君親上隆
師取友藹然截然其俗可封自是而後其於學
也近者設而且詳遠者遺而或畧兵弗知不教
之戒農弗知髦士之蒸人心泮渙仁義浸微我
朝法三代以設學得人為盛雖廣東欽州頻海而
遠比年草寇竊掠民無完居連江林公彥章由
廉州守膺薦超拜廣東按察司僉事奉 聖書
保障是方公至築營堡以備禦通商旅以貿易
訓兵勸農食足信乎稔惡受戢無辜蒙釋民居
以安通迤乃復治不逾年境內翁集成化已丑
公慨欽州儒學荒圯乃購民餘地遷孔子廟于
左又讓海北道作明倫堂于右門廡齊次庖福
庫舍煥乎整飭公既廟講遂升其堂佩衿之士
于于而來濟濟有容橫經而講莫非仁義環泮
池而觀聽者皆知君所當尊親所當敬隆師而
知所向取友而知所輔由是而感發鹵莽之氣

清沮肅雍之風聿興吁設學果不維繫人心哉
公於是方閱兵之問首先於學豈無所謂人知
仁義則樂於效死也得人如公可多見乎吾郡
貳守楊君尚文欽州人也古循吏風由欽學
擬科樂公之與其學以俸羨餘作俎豆器物凡
三百九十有奇獻于廟以相助公之成爲俾
予記昔文翁興學西蜀信史不磨彼文翁作守
地非瀕海又無兵戎之寄其事易爲今公職在
庶訪瀕海要衝寇掠甫定即舉及此用其財而
民不費役其力而民不勞若公可謂於所難而
易爲者矣欽廉之俗亦將見其可封矣時御史
大夫姑蘇韓公以節鉞鎮兩廣明於知人公爲
其所知必有以振起之也他日翺翔霄漢爲我
明天子復三代之治也必矣姑請勒石以記

弘治八年知州袁苜復遷東門外故址正德五
年知州徐珪脩十四年知州李純改建明倫堂

于文廟後增建名宦鄉賢二祠于戟門左右歲
久廢圯殆盡嘉靖十五年知州林希元相地弗
稱改建於城中故址文廟五間東西兩廡各七
間戟門櫺星門各三間明倫堂東西齋各三間
堂之左爲啓聖公祠右建師居二所戟門之左
爲名宦祠右爲鄉賢祠鄉賢之右爲宰牲所櫺
星之左爲儒學門東齋之南爲儀門郡守惠安

張岳記嘉靖乙未次崖先生林侯以大理寺丞

被命遠謫也朝諸老以侯素重望欲優以遠
地稍清曠者侯不可請一州自効乃予欽欽嶺

南齊州民俗媮窳士習亦安於一切卑近閱敷
十年無能明禮義道術以振起之者至於釋奠
之宮棲士之宇亦且墮壞荒落不足以應令式
侯至亟圖所以興廢振帶作人善俗者顧州之
財力詘則先其尤甚者曰莫甚廟學按舊學在
州治南數十步弘治乙卯病於堪輿之說移置
東廓外既遷人文愈以弗競則又病之候爲僉
諏考卜卒無以易夫故址者乃與判官朱浙學
正鄧璿暨諸縉紳學子輩議還其舊而會材料
備工之費當爲金三百二十兩以狀白諸司皆
報可諏日令工則莫不執藝以應者其秋九月
莫之宮樓士之宇門廡庭除齋舍庖福與夫群
祀之麗于學者罔弗嚴備乃帥僚吏師生用幣
以落之退爲陳說聖賢學問工夫指示切要又
習之於春秋饋饗朝夕升降揖遜之容使其漸
摩矯揉變化故習而不能自已此侯之教也始
侯以嶺南學憲召入丞大理不五六年復出爲

欽州志卷五

是州異時典法風聲具存未見教之之難也至
其以蕞爾偏州當事力殫屈之際晨夜孜孜開
誠以先物約身以裕用卒能使學成而教益行
以酬夫請州之初志此豈可不謂之難也哉今
爾欽士得爾侯以爲師帥既先自盡其難者如
射於瞿相之團旣抗侯揚解正鵠以示之矣如
是而不能譬弓穀審發而注中焉責將誰委也
古之人自鄉人塗人而至爲舜禹楚產之豪
傑遂能與北方學者爭先此無他尊師篤信不
怠其所趨而已夫以造化付畀之身庠序衣冠
之懿終無以自別於鄉人與塗人古之君子不
敢以自恕也况夫以荒陋自諉安居廩食誕謾
恣睢其流靡之極將必有鄉人塗人所不屑者
嗚呼爾諸士其可不惕然深思求自振拔以無
負爾侯之教也哉侯名希元字茂貞次崖其號
與予同正德丁丑進士其爲此州細大畢舉皆
可以爲後法余特志其大嘉靖十八年知州林
且急者以風多士云耳

希元復於學東城隍廟故址建號舍二十間捐俸金一十兩以助公費

社學

舊在東門外面街背江成化四年僉事林錦建後廢嘉靖四年知州藍渠鬻其地於許氏以廢崇寧寺為之有列肆十七給學以供教讀束脩紙筆之費歲久而圯知州杜傑鬻其肆脩城社學遂廢嘉靖十七年知州林希元即故址重建扁曰中和社學以欽俗雜夷思變其俗又於諸

。欽州志卷五

一七

鄉都各建社學共十八所俱有名扁每學給田二十畝又贖回鬻肆及於舊學基建市肆以贍學

中和社學

在東門外崇寧寺故址

城南社學

在南屯村戰船廠之右

發蒙社學

在蒙村俱

茶山社學

在茶山洪屋村

學

在欽江東岸水東村

騰龍社學

在古城騰龍村

雷峯社學

在白皮烏

雷之北俱

亨雷社學

在那雷村

蘆山社學

在蘆荻村

社學

在蚊子村

如洪社學

在如洪江之左

留峯社學

在板

留造林社學

在那造林

凌霄社學

在板霄村

思淳社學

在思

蘆白峯社學在晉界巡司白雲同文社學在時

防城地接思文社學在貼浪都思牙村地知州

安南故名林希元記昔先王治天下為之農桑衣食以養

煖衣逸居無教則近於禽獸若臣父子夫婦長

幼朋友之倫乃中國之所以異於夷狄人類之

所以異於禽獸者也故先王之治既富而教於

人倫尤所先焉觀舜使契為司徒以敷五教三

代之學皆以明倫可見矣夷考其時上自國都

下至閭巷莫不有學無不教之地人生八歲入

小學十五入大學無不教之時故民之由於學

校者莫不感發順習而趨於王道其秀而穎出

者又通升于王以分布有位任庶政先王建學

立教其意如此此所以治隆於上俗美於下而

致雍熙泰和之盛也三代遠王道衰後世建學

立教其名雖同於古人其實相去遠矣我朝

欽州志卷五

酌古為治自府州縣以至坊隅里巷莫不有學
在府州縣曰儒學在坊隅里巷曰社學社學之
教主於明倫敬身儒學之教主於明經脩行以
其責付之郡縣又命憲臣董正之三年大比
則選其賢者能者以賓于王其意與古先聖
王蓋未始有異也歷時既久漸失其真學於社
學者取足於記姓名知文墨上焉者為生徒以
資進取明倫敬身之意失矣學於儒學者彙括
經言議擬題意以迎合主司掇科第明經脩行
之意失矣鄉無善俗世乏良材織此之故又何
惟乎治不古若哉予自知學即悟其非故往者
督學東廣沿鄉建社學作規條選明師俾司教
訓以與民於孝弟頌學政經說于諸生黜浮華
崇本實以進士於道德蓋將協贊我聖天子
雍熙泰和之治以復古昔先王之盛也教未及
成而遷官去有遺恨焉邇者至欽適當與甄舉
廢之際於社學未暇之及既而訪其民風土俗
類多同於蠻夷乃列當禁者十數事請于當路

榜刻宣示而嚴爲之禁顧習俗已成鞭朴徒煩而禁弗可止始悟曰古之化民善俗者皆爲之於其初則性習未成而轉移也易今欲化民其必於社學乎乃以往日之提學者施之欽訪坊鄉當建社學者十八所以告當路咸報可謂州城首善之地特先焉顧舊時社學已廢爲荒土其瞻學市祖又爲前官所鬻乃即其地重建社學諸鄉亦以時並建在城曰中和其他各有名扁立條教作訓言選擇明師召子弟七八歲已上者使教之子弟聞令咸製衣屨入學恐後弗辦弗敢入予嘆曰吾嚴條約以冠屨責其民莫予應今設學弗責而自急今而後知聖王建學立教之意其深矣乎乃益加勉學舍未就暫假民居諸教讀成體予意以予規條朝夕教子弟以洒掃應對進退之節讀書對偶字做之文以予訓言朝夕教子弟以愛親敬兄忠君弟長之說其民耳目所未見聞莫不欣惟鼓舞而樂於教子三月而後教讀各以弟子見其父兄不遠

三四百里襁負其子而至州其衣裳步履楚如也其進退周旋升降揖遜肅如也其諷誦對偶書做朗如也予嘆曰人心有天可以理動誠然乎哉或曰三年而後欽其爲中州乎已乃訪其民多有願學而力不足以供師膳者予曰禮義興於富足民窮而驅之學非政也乃廉民之墾田未稅者輸之學各二十畝社學十八所共田三百六十畝贖回前官所鬻市肆一十七與新建市肆一十五庸供各學之費諸生李昭中和教讀也請曰社學之設公之政莫先焉合記之使後之作者誦公言勿替公功予曰功予何有勿替我志也乃記

靈山縣

儒學舊在石六場東南去縣治二里宋治平二年遷縣治之東寶祐四年攝尹趙崇商復遷石

六場故址長沙省元丁應圭記

靈山有學以來

邑治石六場之東南遷于邑東今復遷東南乃
攝尹趙君採輿議而還舊址也昔治平紀元之
次年邑治與學並建人文勃興士由科甲奮者
踵接以瀕海遐邑有官至朝秩者科第固不足
論亦可見化民成俗之驗學更而東寢不廢舊
歲月茂所登載陋孰甚焉長民者間欲扶植之
卒莫可措其力議者卒咎遷徙地之攸致也吁
地靈人傑世固有此語矣然古之所貴乎學校
者土地所生風氣所宜縱有備校將籍是以轉
移會謂學校之興廢反視地之輕重邪不于其
地于其人可也趙君以安遠報政來攝邑事撫
摩彫敝首務斯文不費于官不役于民悉捐已
俸為之粟以石計者百餘金以繕計者千餘由
是立夫子之宮墻十哲之繪像六先生之列祠
第千員之齋舍祭器有庫習射有園浴沂有亭
泮水有池扁其橋曰化龍不日而竣事則為之

欽州志卷五

一十

職員為之課試教養有法余乃聞其風而壯之
邑士以其本末來謁記趙君莫得而過余莫得
而辭則復之曰予欲紀其因革之實而已耶此
非建學者之本意也抑將求諸學之所以為學
耶則南軒嘗記欽學其拳拳於忠信所以成就
者備矣靈山欽之支邑也學豈有異道余豈有
異言哉抑十室之邑必有忠信此其質也先生
之所謂成就則又在乎人耳建此學者上之人
也不負此學者下之人也六經言學自堯典稽
古始而欽明一語綱領挈焉我朝諸儒演而伸
之主一之義愈明循是而進忠信在我矣郡以
欽名諸君反而思之有餘師趙君名崇商字天
民天潢派也始至佐郡幙建議創庫收息以惠
計借士及垂滿又捧紳檄團結諸縣山水屯巖
皆有可元末燬于兵火
書者

大明洪武四年重建三十四年知縣李善初復遷于

縣治東故址西安梁潛記靈山小邦也其俗視

初為宰始至而病之思華其俗曰朝鮮極東夷

也箕子居之而民化焉今有先王遺化柳州南

蠻也子厚教之其子弟皆知為文詞靈山豈獨

匪人遂注心焉時舊學宮頽圯殿宇惟絢菲黜

聖漫漶圯隘而惡且西向非尊素王制改建之

適 朝 廷 方 用 兵 自 江 北 五 大 藩 學 校 為 之 一

空 凡 百 力 役 供 給 南 方 因 焉 善 初 不 敢 以 是 重

困 其 民 乃 徃 謀 之 於 邑 文 學 材 君 君 力 贊 之 謀

之 諸 父 老 樂 而 助 之 贊 則 又 進 諸 生 勉 之 諸 生

咸 躍 然 喜 於 是 梁 柱 之 材 出 自 生 徒 僦 工 之 費

則 捐 已 俸 視 民 有 餘 力 者 役 之 民 咸 忘 其 勞 遂

卜 地 于 縣 之 東 南 經 始 於 辛 巳 之 閏 三 月 八 日

而 廟 成 自 殿 而 門 皆 煥 然 悉 遵 今 制 視 他 邑 無

以 如 之 殿 之 東 為 堂 堂 之 東 西 相 向 為 兩 齋 簠

簋 壘 爵 鍾 鼓 之 屬 庫 庖 之 所 無 不 具 焉 既 而 文

學 來 朝 于 京 誦 其 事 屬 予 記 之 以 刻 于 石 且 曰

昔 之 宰 靈 山 者 徃 徃 僚 視 其 民 民 亦 以 僚 自 負

李 君 獨 加 惠 焉 民 知 自 愛 嗟 夫 習 俗 之 不 美 豈

獨 靈 山 然 也 化 而 道 之 者 恒 激 其 外 以 移 其 內

民 且 狼 顧 鼠 拱 之 不 暇 又 烏 知 所 以 為 堯 舜 禹

湯 文 武 周 公 仲 尼 之 教 耶 且 夫 平 時 通 郡 大 邑

羅瑄改還城中千戶所之東歲久而圯成化六

年僉事林錦脩詹事府少詹事莆田柯潛記靈

縣脩廟學成教諭周君弘以書來言曰縣故有

學廢壞於元季而重建於國朝洪武之四年歷

歲既久日就搖壓有司無有以興學為念者其
問雖嘗稍加葺治然規制簡陋采繪弗彰不足
以稱 聖天子崇道右文之心天順四年僉事
林侯時以合浦訓導用巡撫都憲崑山葉公之
薦為靈山知縣慨然有志興學以振文風顧以
徃寇方殿未遑及也既而寇平以懋功陞廉州
知府又進今官奉 勅守廉州乃諭學官耆老
謂兵寇之餘凡百廢弛之事皆宜以次脩復而
學校為治化之本在所當先遂選工聚材蠲日
舉事廟自大咸殿及兩廡儀門神厨學自明倫
堂及齋舍庖湍之所皆撤而新之宏偉壯麗實
倍於前經始於成化六年十月而以七年十二
月畢工其資費不取於民而民樂於成功咸誇
嘆以為為盛事意者執事亦樂聞之儻奪一言為
記以導教其學者於無窮是則弘之幸也林侯
之願也予惟庶在東廣為僻郡靈山其屬邑也
尤為窮絕之處然自漢唐以來孟嘗李邕余靖
陶弼岳霖諸賢皆為政於斯而陳瓘蘇軾二賢

欽州志卷五

亦嘗留寓其地風聲氣烈至于今猶存其邦之
英又有甯悌原黃渙者皆以進士入官並著風
節可以感而興焉則茲郡邑雖僻遠而其人文
之著在嶺南諸郡可與之並者蓋無幾也今林
侯又以學校為治化之本而娓娓焉作興之所
謂知所重矣士之游於斯者必敬必恭朝夕脩
其倫理而無或違自身及家自家及國而達之
天下惟一惟倫理之施無少涉於世俗干時取寵
之事則其人文之著蓋將盛於昔時而侯作興
之意庶乎其無負矣侯名錦字彥章連江人周
君字景重莆田人皆予同鄉之彥故樂為記之
以風厲靈山之人且以示夫後之嗣政教於此
者皆知人材父弗振或歸諸地嘉靖十四年僉
事王崇從衆議復遷于故石六場啓聖名宦鄉
賢三祠師居仍在故址欽州知州林希元記

靈山

儒學故在石六峯下成化中燬于寇始移建邑城學建於兵燹之餘凡百苟簡故其弊也易地亦弗稱才沿之落師生惑謀遷于故有司例未學莫或省也迺金華麓泉王公以廣東按察司僉事備兵海北視學弗脩且壞作意興脩師生喜曰幾也以告公曰俞予汝圖爰相新基允惟舊吉謀於當路咸贊厥成卜日改遷士民胥慶於是能者輸勞富者輸力公因而用之取材於山取瓦於陶取灰於石佐以公帑之贏商匠度務以嘉靖乙未八月啓手越明年六月告成事前文廟後明倫堂兩廡兩齋門庭庫庖或以序奠祠啓聖名宦鄉賢于故坻亦有講堂號舍師居貌宇崇恢采章赫奕學宮之美甲於他邑爲費以千計皆公所營度官帑之積十得一二焉師生大公之公懼遂泯沒請予記之予負罪南遷風波涉歷筆硯荒久矣感公之美不容辭按今老子釋氏之宮雄偉靡麗擬於王者其教稿身而拙用其徒勞勞焉微厥生以築之夫子之

欽州志卷五

宮乃吾輩所由成身而致用經世而淑民乃漫焉莫之省或委諸風雨或委諸草莽果何謂也麓泉斯舉豈不遠遠夫人歟公於城也甲兵旣飭以整於學校又如此職在軍旅不廢俎豆可以觀才矣予因是有望於諸生夫學校不脩有司之過學業不脩誰任厥咎是故績學以明道累行以理身經政以宜民緯教以敦俗是子諸子之責予與當道之所望也尚其勉之毋負

嘉靖十七年僉事孫世祐市民廬建神厨一所
 五間又於敬一亭屏牆外建齋堂一間號舍八
 間又於東西夾道臨衢建禮門義路二牌樓祭
 器又壞仍與脩治學之規制至是始備
 海北書院故所無也嘉靖十五年僉事王崇遷

學於城外卽其故址建正堂五間號房門庖計八間

養正社學在海北書院之南舊在城外成化七年僉事林錦遷城內宋泰街歲久而壞僉事李瑾府同知章諍相繼重建俱廢嘉靖十七年僉事孫世祐以舊址卑濕改建今所扁曰養正正堂東西廂房各三間大門一座

有造社學在林公祠後舊在按察司後正德五年僉事李瑾建歲久而圯嘉靖十七年僉事孫世祐以舊址卑濕改建今所扁曰有造正堂內外廂房各三間大門一座

科貢

欽州

唐

進士

甯悌原

見人物志

國朝

舉人

洪武

甲子科

梁里許見人物志

永樂

壬午科

黃儀任貴州宣慰司訓導 馮廷簡任交趾主簿

乙酉科

鄧春任廣西宣化縣知縣

戊子科

欽州志卷五

十五

吳里瑤任交趾古社縣知縣 吳經得任廣西富川縣

張里相任福建鹽運司知事 王融任山東賓州知

州

辛卯科

舒泰任福建右衛經歷 黃肇得任

交趾縣丞

癸卯科

黃受任柳州檢校 蕭通天資穎敏詞藻

莊齊名不仕卒

景泰

庚午科

楊冠見人物志

癸酉科

梁廉

成化

甲午科

章瓊任瓊州府文昌縣教諭陞轉任湖廣羅田縣教諭陞浙江湖

州府通判

。欽州志卷五

十六

歲貢

洪武

黃環任廣西桂林縣教諭陞韓府教授 蘇均任刑部主

事 蘇甌任直隸通 黃士良任福建南平縣

知縣 陳善住見人物志

永樂

黃送任交趾知縣 林松任交趾縣丞 許佑

任交趾 黃輔任交趾主簿 李進任交趾知縣

州吏目 林逾任交趾縣丞 李珠任交趾主簿 何盈任交

趾州黃養任安府推官黃祐任雲南

民府鄧記任湖廣阮陳隆任雲南

柯鐸任湖廣把黃裘任貴州黎

黃中任交趾黃宗覃良黎記

班振黃華黃山黃良

宣德

黃福任南寧黃福緣任直隸海黃

登黃敬受陳端王冕

正統

欽州志卷五

十七

李文任南京豹韜衛經歷陳敬任

城縣蘇善任浙江遂蘇卿任河南

知縣柯茂任浙江金陳有任桂平莫

廣冠黃宗黃海

景泰

石璣任南寧覃寧任思明陳琛

何清鄭紹祖李旺潘渚

符祖冠劉冕

天順

馮賁 黃彪 吳齡俱冠帶 蘇鏞任

州吏目 方正 吳禎 吳起 章文

梁方 聶瑄

成化

謝溥任福建古田縣縣丞 舒讓任高安縣訓導 劉蔭

任江西信豐縣訓導 王佐任江西瑞州府照磨 王宗任

化州吏目 蔣瑛任福建汀州府照磨 王福任思恩府照磨

顧仁任永福縣知縣

弘治

欽州志卷五

六

楊麟任龍南縣訓導 張佐 裴瑀任江西瑞金縣

訓導 吳貴 呂鑽 梁成任福建龍溪縣訓導

蘇景星任直隸無為州判官 管信 章經

梁潛俱不仕 章瓚任浙江仁和县縣丞 莊容任

藩府典儀 楊鳳不仕 許昌任延平府知事

正德

蘇懷任柳州吏目 余帥周不仕 顧濂任羅城縣

縣丞 葉盛任福建福州府知事 謝廷侃任江西九江府

訓導 舒懷 魏宗禮俱不仕 劉喬任廣西平

南縣知縣章鳳梧蘇華俱不黃昇任
建興化舒中蘊復任廣西賓州判官
府照磨官楊士弘仕不

嘉靖

翁爵任江西泰和縣訓導章廷祐

任江西吉安府學訓導章獻中超貢一年莫濬

不仕毛純慶遠府訓導陳敬年十二

鄭仕傑年十三貢聞大護年十五貢梁相六

年歐琳年十七貢楊鑑年十八

欽州志卷五

十九

靈山縣

宋

雜科

黃叔達承以議官至黃漸以戰官從

翼黃列明德叔達子仕至李才

以聶官出身崇觀間知化州

進士

嘉祐

鄧式官至大理寺丞朝散官

元祐三年

鄭與權進士官至奉議
郎潮州府通判

紹興

黃神官至 甯宗喬官至 甯宗諤官至

郎

隆興

鄧大周官至奉議
郎緋魚袋

嘉定

黃仕謙潯州
僉判

欽州志卷五

二十

舉人

元符二年

黃渙詳人
物志

國朝

進士

成化

丁未

黃華登費宏榜
未任卒

舉人

永樂

乙酉

姚真任福建安溪縣訓導檀備任交趾唐

辛卯

藍觀蔭任貴州布政司理問吳鳳鳴任交趾威縣縣

丞勞富

景泰

庚午

勞慶任廣西岑溪縣學訓導

欽州志卷五

三十一

丙子

鄭賢任廣西平南縣教諭

歲貢

洪武

劉璿任戶部主事容吉任交趾清化府推官黃繼

宗任山東布政司理問

永樂

龐滷任交趾巴縣縣丞周旺任交趾河縣縣丞勞

觀通任交趾縣主簿乙李銷任交趾石縣主簿郭

進任交趾龍姚賢任交趾北勞昌

任交趾支勞養任交趾利劉甘志

任交趾同李旺任交趾鳳

宣德

李安任河南周

正統

鍾觀任廣西永蘇安任廣西西陸

俊任廣西蒼檀昭

景泰

欽州志卷五

三

勞端任廣西南勞顯任廣西西鄧

昶冠帶審亨任浙江織

天順

劉清任廣西南譚霖任福建福

雍任廣西岑

成化

梁錦任江西武勞勝任江西新勞

泰任江西南劉海任四川雅

任順天府汪瓊任廣西柳王政

紀通 檀感任廣西富川縣知縣石秀任廣西

林州訓導陳謨任廣西梧州府訓導陳昇 李旻

弘治

檀應任廣西富川縣知縣韋聰任福建松溪縣主簿鄭

宣 鄭廷獻任直隸靖江縣丞甘霖 勞

寬 勞環任福建順昌縣主簿汪鑑 裴坦

彝任湖廣西歸州判官汪銘有功不仕廣汪

錦

正德

欽州志卷五

三

張鏊任福建浦城縣丞覃庸任廣西梧州府訓導陳

珠任福建連城縣主簿汪鈺任廣西梧州府訓導羅國

興任福建龍溪縣主簿錢象乾任廣東茂名縣教諭陳

文輝任廣東萬州訓導石惟賢任廣西博白縣知縣

嘉靖

陸珣 石維海 莫如勤以捕賊功授福

建平和縣知縣王積祿 勞惟善 鄭紹

科 梁諫 甯威 鄭紹英

欽州志卷之五 終